

梵文 達爾馬杜多劄

藏文 法界讚

禮敬文殊童子 阿旺紮西譯

- 1 何法未了悟 輪迴三有中 恒住諸有情 法界我禮敬
- 2 何是輪迴因 若經由淨除 清淨則涅槃 法身亦是此
- 3 如牛乳混淆 酥醍醐不見 煩惱混染之 法界亦不見
- 4 如是轉變乳 醍醐成無垢 淨除諸煩惱 法界極清淨
- 5 如是瓶中燈 爾時不能照 住煩惱瓶中 法界亦不見
- 6 若於何處所 是瓶有洞口 由此瓶洞口 照耀光明體
- 7 爾時定金剛 摧滅此瓶子 此於虛空中 無邊遍照耀
- 8 法界不是生 絕非有壞滅 恒時無煩惱 初中後離垢
- 9 如是琉璃珠 恒時光照耀 若處於石中 不能見其光
- 10 如是煩惱覆 法界雖極淨 輪中不能明 涅槃則光亮
- 11 有界作業則 可見體純淨 無界縱造作 唯是生煩惱
- 12 如是不追求 被糠裹之米 猶如煩惱覆 不安立為佛
- 13 如穀去其糠 米體自然見 若遠離煩惱 法界極明顯
- 14 芭蕉終無實 世間作是喻 然果實甘甜 世間飲用之
- 15 若離無義輪 煩惱之竹籠 其果具意義 成諸情甘露
- 16 如是諸種子 生果似其因 何智者能立 無種而有果
- 17 承許種子界 是諸法能依 由次第淨除 能證佛果位
- 18 日月雖皎潔 被雲煙晨霧 似羅睺面塵 五蓋所遮覆
- 19 如是光明心 貪害心懈怠 掉舉以及疑 五蓋所遮覆
- 20 譬如火浣布 若是具污染 放置於火中 去垢衣猶存

- 21 如是光明心 智能火能燒 其貪等染垢 非是光明體
- 22 詮說空性經 世尊多演說 彼能盡煩惱 非是界衰退
- 23 地中之水泉 清淨無污染 如是惱中智 亦是無污染
(答)
- 24 法界故非我 亦非女及男 遠離諸所取 豈能計是我
(駁)
- 25 無貪之諸法 男女非能緣 爲貪苦所化 示慧於男女
- 26 謂無常苦空 三事調修心 最勝修心法 是無有自性
- 27 嬰子孕腹中 然而不能見 如是煩惱覆 法界亦不見
- 28 我我所分別 皆由名想因 而生四分別 此復生已生
- 29 諸佛之願力 無相亦無性 別種趣別門 恒常佛法性
- 30 猶如兔頭角 妄執實是無 如是一切法 妄執真非有
- 31 微塵體性之 牛角亦非有 如過去未來 於此何能計
- 32 依賴而起生 依而滅是故 無一者存在 童子豈能悟
- 33 何以兔角喻 成立善逝及 諸法皆中觀
- 34 如日月星相 清澈器皿中 能清見其影 圓滿亦如是
- 35 前中後皆善 無欺誑穩固 如是無我性 不計我我所
- 36 猶如夏際水 謂其是溫熱 若於寒天際 則謂是冰冷
- 37 如煩惱網覆 謂其是有情 若離煩惱纏 則謂是成佛
- 38 如依眼觀色 離障能明現 遠離無生滅 法界善了悟
- 39 如依聲於耳 生起三淨識 無性之法界 有分別能聞
- 40 如依鼻嗅香 此是無色喻 如是以耳識 於法界觀察
- 41 舌根自性空 味界亦遠離 了知法界體 意識無是處
- 42 清淨身根體 諸觸緣體性 遠離諸因緣 稱謂是法界

43 於主意識法 斷分別伺察 諸法無自性 觀此是法界
44 見聞嗅嘗觸 如是一切法 瑜伽之行著 通達而圓滿
45 眼耳鼻舌身 意識亦如是 六觸皆清淨 此即彼體性
46 見心有二相 如是世出世 由我執輪迴 智能能解脫
47 息貪是涅槃 盡斷嗔及癡 滅彼則是佛 亦是有情歸
48 依了悟迷執 由身起一切 自分別纏縛 通達得脫離
49 菩提非近遠 非來亦非去 於煩惱籠子 唯是見不見
50 若住智能燈 能最勝息滅 恒常住於我 諸經藏是說
51 十力所加持 加持同初月 具煩惱有情 不能見善逝
52 如是諸餓鬼 見大海乾涸 猶如無明覆 妄計無諸佛
53 劣卑是福鮮 世尊能做何 如於瞎手中 置放珍貴寶
54 造福諸有情 光明且殊勝 三十二燦爛 世尊於其前
55 依怙其色身 安住於多劫 爲調伏有情 一界多化身
56 了達心境後 於此覺趣入 若自證清淨 諸地其體性
57 大自在勝地 密嚴此莊嚴 吾說三意識 是一併相溶
58 孩童中遍知 聖中有多種 大自在光佛 何是劫壽因
59 外之聖賢者 於無量劫中 何能護其命 諸有情壽命
60 其因亦無盡 何者果無盡 由無相分別 是爲慧善住
61 菩提非近遠 非來亦非去 無有六境相 如實見真實
63 如水乳混淆 置於一器皿 鵝是飲牛乳 然而非是水
64 如諸煩惱覆 於身智一體 瑜伽師取慧 遠棄是無明
65 若我我所執 乃妄執外法 了見二無我 有種則息滅
66 是故佛涅槃 淨常善法基 二淨凡夫計 無二住瑜伽

67 多種苦行施 律儀有情攝 利有情忍辱 三者令界長
68 於諸法精進 於禪定入心 智能恒堅固 此亦菩提長
69 方便兼智慧 淨治是祈願 定住力智慧 界增長四法
70 不禮菩提心 此說是惡說 若無菩提心 法身亦不生
71 嗔蔗種無用 欲享用糖味 若無蔗種子 糖則不能生
72 如守護蔗種 珍惜且培養 由此必得生 諸蔗糖砂糖
73 善護菩提心 珍惜且培養 生起阿羅漢 亦證諸佛果
74 如同稻穀種 農夫守護之 勝解大乘者 諸如來守護
75 如下弦十四 能微見月亮 勝解大乘者 能微見佛身
76 如見月初光 刹那刹那增 見登地菩薩 漸漸而增長
77 如上弦十五 月亮極圓滿 若初地究竟 法身明圓滿
78 於佛法及僧 恒堅固勝解 此心正起後 不退轉復生
79 斷除諸黑基 善持白基法 爾時了悟彼 謂其是歡喜
80 恒常多煩惱 所覆具污染 無垢故淨除 謂是離垢地
81 絕斷煩惱網 無垢智極明 無量之黑暗 除滅是發光
82 常淨光而明 斷除散亂相 智光極圍繞 此地是焰慧
83 諸明技工藝 多種禪定相 煩惱極難斷 斷故極難勝
84 三種菩提果 能攝諸圓滿 生滅及深奧 許是現前地
85 諸輪相恒常 光明網照曜 遠離苦海泥 謂此是遠行
86 佛定論於此 趣入智能海 無勤任運成 魔眷不能動
87 四種無礙智 於眾說法言 瑜伽者圓滿 此地名善慧
88 智體性其身 平等無雲天 由諸佛執持 法雲恒常生
89 諸佛之法處 遍持行爲果 故轉依爾時 稱謂是法身

90 離習不可思 輪習可以思 汝不可思議 何者能知汝
91 遠超語行境 非諸根行境 意所通達境 隨一讚禮拜
92 以次入形式 諸聞名佛子 以法雲智慧 見法性空理
93 大蓮華本性 而令心擾亂 超越輪迴籠 大蓮華性墊
94 極安住於此 數多葉寶光 所欲求花蕊 由無量蓮華
95 廣大而縵繞 十力所圓滿 無畏正教授 佛法不可思
96 離戲無退失 由善行諸業 極積福德慧 滿月由眾星
97 環繞而安住 無垢寶光照 灌頂佛真子 遍賜予灌頂
98 大瑜伽住此 迷令諸劣世 承受苦難迫 由天眼見故
99 其身諸光芒 無勤而生起 入愚癡暗者 開啓諸其門
100 有餘涅槃者 皆欲無餘涅 此即是涅槃 無垢心轉換
101 諸有情無物 本質亦其境 見其是菩薩 極無垢法身
102 於無汙法身 住有智能海 如多種珠寶 故利諸有情。